



## ADMINISTRACIÓN LOCAL

### PROVINCIAL

#### DEPUTACIÓN PROVINCIAL DA CORUÑA

##### Servizo de Cultura, Igualdade e Dereitos Cívís

RP 2026/14725. Aprobación das bases do X Premio “Begoña Caamaño” á acción cultural pola igualdade de xénero. (PREM-BC/2026)

#### ANUNCIO

#### RESOLUCIÓN POLA QUE SE APROBAN AS BASES DO X - PREMIO “BEGOÑA CAAMAÑO” Á ACCIÓN CULTURAL POLA IGUALDADE DE XÉNERO (PREM-BC/2026)

Don VALENTÍN GONZÁLEZ FORMOSO, Presidente da Deputación Provincial da Coruña,

Despois de ver os informes da Sección de Servizos Sociais, da Secretaría Xeral e do Servizo de Fiscalización

#### RESOLVO:

**Primeiro.** Aprobar as Bases reguladoras do “X - Premio “Begoña Caamaño” á acción cultural pola igualdade de xénero”, que figuran no Anexo - Bases Reguladoras.

**Segundo.** Dispoñer a publicación das bases deste programa no Boletín Oficial da Provincia da Coruña.

**Terceiro.** Aprobar o orzamento dos gastos derivados da convocatoria, por importe de **14.600,00 €**, con cargo ás seguintes partidas do Orzamento de 2026:

Importe	Partida
13.000€	0611/23122/481
1.600€	0611/23122/22699

De conformidade co establecido no artigo 40.2 da Lei 39/2015, do 1 de outubro, do Procedemento Administrativo Común das Administracións Públicas (LPACAP), infórmase de que a resolución anterior esgota a vía administrativa, de acordo co disposto no artigo 114.1) da LPACAP, polo que, en virtude do artigo 123 da referida norma, contra a presente resolución poderá interpoñer recurso potestativo de reposición ante o órgano que ditou o acto no prazo dun mes, contado a partir do día seguinte a aquel no que teña lugar a notificación, tal e como tamén preceptúa o artigo 52.1 da Lei 7/1985, do 2 de abril, Reguladora das Bases do Réxime Local. Neste caso non se poderá interpoñer recurso contencioso-administrativo ata que sexa resolto expresamente o recurso potestativo de reposición ou se produza a desestimación presunta deste.

Así mesmo, a persoa interesada poderá interpoñer directamente contra a presente resolución recurso contencioso-administrativo, previsto na Lei 29/1998, do 13 de xullo, reguladora da Xurisdición contencioso-administrativa, no prazo de dous meses, contado a partir do día seguinte a aquel no que teña lugar a notificación, ante a Sección do Contencioso-Administrativo do Tribunal de Instancia que corresponda, de conformidade co disposto na devandita Lei e na disposición adicional primeira da Lei orgánica 1/2025, do 2 de xaneiro, de medidas en materia de eficiencia do Servizo Público de Xustiza.

Todo isto, sen prexuízo de que se poida exercitar calquera outro recurso que se estime pertinente.

## ANEXO - BASES REGULADORAS

### X Premio “Begoña Caamaño” á acción cultural pola igualdade de xénero

#### BASES

#### EXPOSICIÓN DE MOTIVOS

En memoria da xornalista, escritora, activista cultural e feminista galega Begoña Caamaño, e coa finalidade de recoñecer as persoas e iniciativas culturais e artísticas que promoven socialmente a igualdade de xénero desde o campo da cultura, a Deputación da Coruña convoca a X edición do Premio “Begoña Caamaño” á acción cultural pola igualdade de xénero.

Esta convocatoria enmárcase na medida 3.2.1 e 3.2.9 do Plan de acción de Igualdade Provincial 2019-2026, documento estratéxico de planificación das políticas públicas de igualdade pola Deputación da Coruña.

O premio rexeráse polas seguintes bases:

#### BASES

##### Base 1. Modalidade

Establécense dúas modalidades de participación:

- **Traxectoria persoal:** dirixido a premiar a traxectoria de persoas comprometidas coa promoción da igualdade de xénero desde o pensamento feminista e desde o campo da cultura.
- **Traxectoria de entidades:** dirixido a premiar a traxectoria de entidades privadas sen ánimo de lucro comprometidas coa promoción da igualdade de xénero desde o pensamento feminista e desde o campo da cultura.

##### 1.1. Requisitos das candidaturas

- Poderán presentar candidaturas argumentadas para a concesión do premio todas as persoas maiores de idade ou persoas xurídicas interesadas na promoción da igualdade de xénero e o pensamento feminista desde o campo da cultura.

- As persoas, asociacións ou entidades candidatas, deberán ter a súa residencia ou sede social en Galicia e deberán cumprir os seguintes requisitos:

- Estar ligadas a proxectos que se desenvolvan ou relacionen coa promoción da igualdade de xénero e o pensamento feminista desde o campo da cultura
- Ter desenvolvido actividades culturais que impliquen o seu avance social desde o traballo artístico na provincia da Coruña.

- Só se admitirá unha candidatura por persoa física ou xurídica. No caso da presentación de varias candidaturas pola mesma persoa só se terá en conta a última presentada, que deixará sen efecto e anulará todas as anteriores.

- As candidaturas empregaran a lingua galega e unha linguaxe con perspectiva de xénero. Desagregarán os datos por sexo cando traten datos a través de enquisas, formularios e/ou estatísticas e informarán das medidas de accesibilidade universal.

##### Base 2. Requisitos das persoas ou entidades candidatas

- Poderán presentar os seus proxectos as persoas e entidades privadas sen ánimo de lucro.
- As entidades privadas sen ánimo de lucro deberán estar legalmente constituídas no momento de presentar a candidatura.
- Dado que a tramitación será telemática a través da plataforma SUBTEL, as persoas participantes deberán dispoñer de:
  - Certificado dixital da persoa candidata ou, no seu caso, da persoa nomeada representante.
  - A persoa candidata deberá dispoñer dun único enderezo de correo electrónico de contacto durante toda a tramitación do expediente, ao que se dirixirán as comunicacións. Excepcionalmente, e de xeito xustificado, poderá modificar este enderezo inicial, sempre e cando lle notifique a circunstancia pertinente á Deputación.
- Atoparse ao corrente nas súas obrigas tributarias e coa Seguridade Social

##### Exclusións:

- Non poderán participar as persoas físicas ou entidades privadas sen ánimo de lucro que fosen premiadas noutras convocatorias ou certames convocados pola Deputación da Coruña neste ano ou nos dous anteriores.
- Os premios non poderán concederse a título póstumo, sen prexuízo dos dereitos de sucesión que poidan exercerse se a persoa beneficiaria falecese despois da decisión do xurado.
- Non poderán participar empresas.

### Base 3. Dotación

Establécense dous premios, dotados con 13.000,00 €, con cargo á partida 0611/23122/481 do Orzamento ordinario para 2026.

### Base 4. Contía e número de premios

Convócanse dous premios, dotados con **6.500,00€**, para cada unha das modalidades. O importe do premio está suxeito ás retencións legais que lle sexan aplicables.

### Base 5. Forma, prazo e documentación da presentación das candidaturas

#### 5.1. Forma de presentación.

As candidaturas deberán presentarse a través do apartado correspondente á convocatoria da plataforma telemática Subtel (na páxina web <https://sede.dacoruna.gal/Subtel/>) presentando toda a información requirida.

Non se terán por presentadas as candidaturas que se acheguen noutros rexistros.

A presentación da candidatura e toda a súa documentación deberá ser asinada dixitalmente pola persoa que a presenta.

A presentación telemática producirá plenos efectos xurídicos, sempre que a candidatura sexa presentada dentro do prazo establecido e na plataforma citada.

Serán rexeitadas automaticamente as candidaturas que conteñan documentos electrónicos que incorporen código malicioso ou dispositivo susceptible de afectar á integridade ou seguridade do sistema, omitan documentos esixidos, non se cubran os campos requiridos como obrigatorios ou cando conteñan incongruencias ou omisións que impidan o seu tratamento.

#### 5.2. Prazo de presentación

O prazo de presentación de candidaturas determinarase no anuncio de publicación da convocatoria deste premio no BOP da Coruña, a través do Sistema Nacional de Publicación de Subvencións.

#### 5.3. Documentación da candidatura

A documentación que se ha presentar é a seguinte:

a) Nomeamento da persoa representante para a súas relacións coa Deputación da Coruña.

No caso de persoas xurídicas: Acreditación da Presidencia ou persoa en quen delegue na que se especifique o alcance da dita delegación (presentación telemática da solicitude e sinatura electrónica de toda a documentación necesaria para a súa tramitación).

b) Certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta de datos da Seguridade Social.

c) Declaración de conformidade da persoa/entidade proposta coa presentación da candidatura.

d) Acreditación documental de que as persoas, asociacións ou entidades candidatas propostas teñen a residencia ou sede social nalgún concello galego no ano 2026.

e) Memoria explicativa da traxectoria profesional persoal ou da entidade, segundo o modelo, no que se recollen os datos seguintes:

1. Datos identificativos
2. Breve presentación da candidatura
3. Memoria da traxectoria
4. Xustificación da candidatura segundo os criterios de valoración
5. Documentación complementaria acreditativa dos méritos da candidatura proposta.

A memoria deberá ter un máximo de 8 páxinas e o tratamento de texto será Word, LibreOffice ou PDF, en formato DIN A4, texto a dobre espazo, letra Times New Roman corpo 12 e deberá estar paxinada, aquelas que excedan estes límites non serán valoradas.

### Base 6. Procedemento de concesión

Logo de recibidas as candidaturas, a unidade xestora determinará as que reúnen todos os requisitos e someteraa ao xurado que deberá de valoralas segundo os criterios recollidos nestas bases.

En función dos puntos asignados e do crédito dispoñible o xurado proporá motivadamente as candidaturas que resultan premiadas e a contía do premio.

No caso de producirse empate na puntuación, atenderase á data e hora de presentación das candidaturas empatadas, primando aquelas que se presentasen con anterioridade e atendendo ao crédito dispoñible.

O xurado poderá declarar deserto/s o/s premio/s.

Logo da preceptiva fiscalización do órgano interventor, a Presidencia ditará resolución de concesión do premio ou, no seu caso, resolución declarándoo deserto.

A decisión do xurado será inapelable e será publicada no Boletín Oficial da Provincia da Coruña.

A concesión do premio será publicado na Base de Datos Nacional de Subvencións (BDNS).

#### Base 7. Xurado

O xurado estará presidido pola deputada delegada de Políticas de Igualdade de Xénero, que poderá participar no xurado con voz pero sin voto, e formarán parte del tres persoas de recoñecido prestixio no ámbito da cultura galega e da promoción da igualdade de xénero, nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

A composición do xurado darase a coñecer, con anterioridade á súa reunión, no taboleiro de anuncios da sede electrónica da Deputación ([www.dacoruna.gal](http://www.dacoruna.gal)), co fin de que se poida promover, se é o caso, a recusación dos seus membros.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas será estendida a acta correspondente.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, do 1 de outubro, de réxime xurídico do sector público.

As deliberacións serán secretas e delas serán estendidas as actas correspondentes.

#### Base 8. Valoración das candidaturas

O xurado valorará as candidaturas presentados tendo en conta os seguintes criterios:

<p><b>Coherencia e profundidade da perspectiva feminista</b> Valorarase a integración continuada da perspectiva feminista na práctica profesional, artística ou comunitaria ou no deseño, desenvolvemento, comunicación e avaliación das iniciativas culturais con capacidade para cuestionar estereotipos, visibilizar desigualdades e promover dereitos das mulleres e persoas LGTBIQ+ con enfoque interseccional.</p>	ata 25 puntos
<p><b>Relevancia, continuidade e calidade da traxectoria profesional</b> Valorarase os anos de actividade e consistencia do traballo realizado, tendo en conta as achegas significativas ao ámbito cultural desde o pensamento feminista. Valorarase a innovación, calidade e rigor da traxectoria profesional.</p>	ata 25 puntos
<p><b>Impacto social e transformador</b> · Valorarase a contribución á igualdade de xénero en sectores culturais clave (artes escénicas, literatura, música, audiovisual, patrimonio, etc.) así como a capacidade para xerar cambios, abrir debates públicos ou crear referentes feministas. · Valorarase o alcance provincial e as evidencias de impacto.</p>	ata 25 puntos
<p><b>Compromiso comunitario e creación de redes</b> · Valorarase a participación en iniciativas colectivas, plataformas feministas ou proxectos colaborativos así como a capacidade para fortalecer o tecido cultural e social. · Valorarase a contribución á formación, acompañamento ou visibilización doutras creadoras e axentes culturais así como á implicación da comunidade no proceso creativo ou na toma de decisións.</p>	ata 25 puntos

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Cultura, Igualdade e Dereitos Cívís e do Servizo de Fiscalización. A resolución de concesión do premio será dada a coñecer a través do Boletín Oficial da Provincia.

#### Base 9. Pago

O pago dos premios realizarase nun único prazo despois da resolución de concesión, debendo efectuarse, no seu caso, a retención do imposto da renda das persoas físicas ou o imposto de sociedades.

O pago do premio será publicado na Base de Datos Nacional de Subvencións (BDNS).

Para o cobro do premio, deberán presentar a seguinte documentación:

- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña.
- Certificación da titularidade de conta, expedida pola entidade bancaria.

A presentación desta documentación farase a través da plataforma de tramitación electrónica da Deputación (SUBTEL) no apartado “achega de documentación complementaria”.

#### **Base 10. Obrigas**

As persoas e/ou entidades premiadas están obrigadas a divulgar a obtención do premio en calquera soporte ou medio de comunicación.

A persoa, asociacións ou entidades premiadas comprométese a nomear á Área de Igualdade da Deputación da Coruña en todas e calquera comunicacións que realice en relación co premio, tanto en soportes físicos, auditivos como dixitais, deberá figurar, de forma expresa, a seguinte frase: Esta persoa/colectivos/asociacións/entidade foi premiada no **X Premio “Begoña Caamaño” á acción cultural pola igualdade de xénero** da Deputación da Coruña.

Así mesmo, deberá incorporar os logotipos da Deputación da Coruña e de Igualdade.

Nas publicacións en redes sociais deberán etiquetar á Deputación da Coruña e a Cultura Deputación da Coruña.

#### **Base 11. Protección de datos**

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios, que poderán ser publicadas en:

- A páxina web e perfís en redes sociais da Deputación.
- Filmacións destinadas á promoción da actividade.
- Publicacións para dar a coñecer a actividade.

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD.

Poden consultar máis información relacionada coa protección de datos na nosa **Política de Privacidade** ou dirixindo un correo a [delegadodeprotecciondedatos@dacoruna.gal](mailto:delegadodeprotecciondedatos@dacoruna.gal).

#### **Base 12. Aceptación das bases**

A participación nesta convocatoria supón a total aceptación destas bases e a autorización á Deputación da Coruña para a divulgación dos proxectos premiados en actividades relacionadas co fomento da igualdade de xénero.

A Coruña, 13 de abril de 2026

O Presidente

Valentín González Formoso

O Secretario

Miguel Iglesias Martínez

2026/2307